

ЛЕНИН ТУЫ

ҚКП СОЛТУСТІК ҚАЗАҚСТАН ОБЛЫСТЫҚ КОМИТЕТІНІҢ, ЕҢБЕКШІЛЕР ДЕПУТАТТАРЫНЫҢ
ОБЛЫСТЫҚ СОВЕТІНІҢ және ҚКП ПЕТРОПАВЛ ҚАЛАЛЫҚ КОМИТЕТІНІҢ ГАЗЕТИ

№ 240 (9558) | 1954 жылғы 4 декабрь Сенбі | Шығуына 35 жыл, жеке саны 20 тыйым.

ЕВРОПАЛЫҚ ЕЛДЕРДІҢ ЕВРОПАДА БЕЙБІТШІЛІК ПЕН ХАУІПСІЗДІКТІ ҚАМТАМАСЫЗ ЕТУ ЖӨНІНДЕГІ КЕҢЕСІ

1954 жылғы 2 декабрьдегі төртінші
мәжіліс туралы

МАЗМҰНДАМА

2 декабрьде европалық елдердің Европада бейбітшілік пен хауіпсіздікті қамтамасыз ету жөніндегі Кеңесінің төртінші, қорытынды мәжілісі болды. Чехословак делегациясының басшысы, Чехословак Республикасының премьер-министрі Вильям Широкий председателдік етті.

Мәжілісте ССРО, Поляк Халық Республикасы, Чехословак Республикасы, Герман Демократиялық Республикасы, Венгер Халық Республикасы, Румын Халық Республикасы, Болгар Халық Республикасы және Албан Халық Республикасы үкіметтерінің бірлескен Декларациясының жобасы талқыланды.

Талқылау нәтижесінде Кеңеске қатысқан мемлекеттер делегацияларының барлық мүшелері бұл Декларацияның текстін қабылдайтынын мәлімдеді. Декларацияға қол қою 2 декабрьде кешкі сағат 6-да Кремльде өткізіледі деп келісілді.

Мәжілістің соңында Қытай Халық Республикасының өкілі, Сыртқы істер министрінің орынбасары, Қытай Халық Республикасының ССРО-дағы Төтенше және Полномочіелі елшісі Чжан Вэнь-тинь мәлімдеме жасады.

Кеңесті жабар кезде мәжілісте председателдік еткен Чехословак Республикасы делегациясының басшысы Вильям Широкий қорытынды сөз сөйледі.

Европалық елдердің Европада бейбітшілік пен хауіпсіздікті қамтамасыз ету жөніндегі Москва Кеңесінің

Қорытынды Мазмұнамасы

1954 жылғы 29 ноябрьден 2 декабрьге дейін Москвада европалық елдердің — Советтік Социалистік Республикалар Одағының, Поляк Халық Республикасының, Чехословак Республикасының, Герман Демократиялық Республикасының, Венгер Халық Республикасының, Румын Халық Республикасының, Болгар Халық Республикасының, Албан Халық Республикасының Европада бейбітшілік пен хауіпсіздікті қамтамасыз ету жөніндегі Кеңесі болып өтті.

Кеңеске жоғарыда көрсетілген мемлекеттердің төменде аталған өкілдері қатысты:

Советтік Социалистік Республикалар Одағынан — ССР Одағының Министрлер Советі Председателінің Бірінші Орынбасары және ССРО Сыртқы Істер Министрі **В. М. Молотов** (делегацияның басшысы), ССРО Сыртқы Істер министрінің бірінші орынбасары **А. А. Громыно**, РСФСР Министрлер Советінің Председателі **А. М. Пузанов**, Украин ССР Министрлер Советінің Председателі **Н. Т. Кальченко**, Белорус ССР Министрлер Советінің Председателі **К. Т. Мазуров**, Латыш ССР Министрлер Советінің Председателі **В. Т. Лацис**, Эстон ССР Министрлер Советінің Председателі **А. А. Мюрисеп**, Литван ССР Министрлер Советінің Председателі **М. А. Гедвилас**, ССРО Сыртқы істер министрінің орынбасары **В. А. Зорин**;

Поляк Халық Республикасынан — Поляк Халық Республикасы Министрлер Советінің Председателі **Юзеф Циранкевич** (делегацияның басшысы); Сыртқы істер министрінің орынбасары **Марьян Нашковский**, Поляк Халық Республикасының

ЕВРОПАЛЫҚ ЕЛДЕРДІҢ ЕВРОПАДА БЕЙБІТШІЛІК ПЕН ХАУІПСІЗДІКТІ ҚАМТАМАСЫЗ ЕТУ ЖӨНІНДЕГІ КЕҢЕСІ. Кеңестің мәжілістері туралы мазмұндамалар (1-бет).

ССРО, Поляк Халық Республикасы, Чехословак Республикасы, Герман демократиялық Республикасы, Венгер Халық Республикасы, Румын Халық Республикасы, Болгар Халық Республикасы және Албан Халық Республикасы үкіметтерінің Декларациясы (1-2-беттер).

ЕВРОПАЛЫҚ ЕЛДЕРДІҢ ЕВРОПАДА БЕЙБІТШІЛІК ПЕН ХАУІПСІЗДІКТІ ҚАМТАМАСЫЗ ЕТУ ЖӨНІНДЕГІ КЕҢЕСТІҢ БҮНДЕЛІГІ (2-3-беттер).

И. Есімов. — Халық қалаған кандидат (3-бет).
И. Пронин. — Халық тұтынатын товарларды көп өндірейік (3-бет).

МАЛДЫҢ ҚЫСҚЫ КҮТІМІ ҰЙЫМДАСТЫРЫЛСЫН:
Б. Жақыпов. — Қорытынды шығаратын уақыт жетті. **Х. Рахматуллин.** — «Зәветы Ильича» колхозында мал қыстотудың барысы нашар (3-бет).

БІНО: Д. Әуелбеков. — «Үлкен семья» (4-бет).
А. Тоқтамысов. — Машиистер мен диспетчерлердің ынтымағы (4-бет).
Шетел хабарлары (4-бет).

ССРО, Поляк Халық Республикасы, Чехословак Республикасы, Герман Демократиялық Республикасы, Венгер Халық Республикасы, Румын Халық Республикасы, Болгар Халық Республикасы және Албан Халық Республикасы үкіметтерінің ДЕКЛАРАЦИЯСЫ

Советтік Социалистік Республикалар Одағының, Поляк Халық Республикасының, Чехословак Республикасының, Герман Демократиялық Республикасының, Венгер Халық Республикасының, Румын Халық Республикасының, Болгар Халық Республикасының және Албан Халық Республикасының өкілдері, Қытай Халық Республикасына байлаушының қатысуымен, кейбір батыс мемлекеттерінің Лондон мен Париж кеңестерінің қарарларына байланысты Европада туған жағдайды қарау үшін Москвада Кеңеске жыйналды.

Бұл Кеңеске қатысушы мемлекеттердің үкіметтері туған жағдайды талқылауға қатысуды европалық елдердің бәрі бірдей мүмкін деп талпағаны жөнінде қынжылғандық білдіреді. Бұл Кеңеске сонымен қатар Лондон мен Париж келісімдерінің инициаторлары: Америка Құрама Штаттары, Франция және Англия да қатысқан жоқ. Олардың 29 ноябрьдегі жауабы Париж келісімдерін қайткен күнде де бекітіруге тырысын отырғандығын көрсетеді.

23 ноябрьде Парижда болған кеңесте Батыс Германияға қатысы бар келісімдерге қол қойылды, ал мұның алдында тоғыз елдің: Америка Құрама Штаттарының, Англияның, Францияның, Батыс Германияның, Италияның, Бельгияның, Голландияның, Люксембургтің, Канаданың Лондонда кеңесі болып өтті. Бұл келісімдер Батыс Германияны ремилигарландыруды және оны соғыс топтарына — Солтүстік-атлантикалық блокке және жаңадан топтастырылып жатқан, «Батыс-европалық одақ» дейінге қатыстыруды көздейді.

Тіпті жақында ғана атышулы «Европалық қорғаныс бірлестігі» бетке ұсталып, Батыс Германияны ремилигарландыру жолымен герман милитаризмін қалпына келтіруге әрекет жасалған болатын. Бұл әрекеттер европалық халықтар және ең алдымен, француз халқы тарапынан заңды қарсылыққа кездесіп, жүйреген болатын. Ал сөзір герман милитаризмін қалпына келтіруге басқа сылтаумен әрекет жасалуда, соның өзінде осы мақсатпен Париж келісімдерін бекітуді тездеттіру үшін барлық шаралар қолданылуда.

Мұндай жағдайда осы Кеңеске қатысушы мемлекеттердің үкіметтері Париж келісімдерін жүзеге асырудың Европада халықаралық жағдайды мықтап нашарлатуға әкеліп соқтыратынына барлық европалық мемлекеттердің назарын аударуды қажет деп санайды. Бұл келісімдерді жүзеге асыру герман мәселесін шешу жолында, бейбітшілік және демократиялық мемлекет ретінде Германияның бірлігін қалпына келтіру жолында жаңа, бұрынғыдан да зор кедергілер тудырып қана қоймайды, сонымен бірге Германияның бір бөлігін оның басқа бөлігіне қарама-қарсы қойып, Батыс Германияны Европадағы жаңа соғыстың хауіп ошағына айналдырады. Герман мәселесін бейбітшілікпен шешуге көмектесудің орнына, бұл келісімдер Батыс Германиядағы милитаристер мен көкшілдерге еркіндік беріп, Европа халықтарының хауіпсіздігіне төнетін қатерді күшейте түседі.

Париж келісімдері халықаралық қатынастардағы шиеленесті онан әрі бәсеңдетудің соңғы кезде байқалған мүмкіндіктеріне тікелей қайшы келеді. Бейбітшілік мемлекеттердің күш-жігері арқасында, өпкен жылдың орта шенінде Кореядағы соғыс тоқтатылды. Быйылғы жылғы болған Женева кеңесі Индо-Қытайдағы сегіз жылдан бергі соғысты тоқтатуға және бұл ауданда жағдайды белгілі дәрежеде реттеуге көмектесті. Сонымен бірге Біріккен Ұлттар Ұйымында да қару-жарақты жаппай азайту және атом қаруына тыйым салу туралы мәселе

тияшыл күштерді басып-түншықтыруға бағытталған. Париж келісімдері Батыс Германия үшін көзден отырған жағдайлар гитлершілдер өкмет басына келуден сәл бұрын Германияда болған жағдайға көбірек ұқсайды. Жұртқа мәлім, Германияның сол кездегі президенті Гинденбургтің «төтенше жағдай» енгізілетін правосын герман милитаристері демократиялық праволар мен бостандықтарды жою үшін, жұмысын ұйымдарын жазалау үшін, Германияда фашистік диктатура орнату үшін пайдаланған болатын.

Париж келісімдерінде «окупациялық тәртіптің тоқтатылатыны» туралы және Батыс Германияға «суверенитет» дейтіннің берілетіні туралы айтылған. Бірақ іс жүзінде, Париж келісімдерінде айтылып отырған Батыс Германияның «суверенитеті» батысгерманиялық милитаристер мен көкшілдерге армия құру правосын берумен ғана тындырылып, бұл армияны Париж келісімдерінің инициаторлары өз мақсаттары үшін зенбірек жемгігі ретінде пайдалануға ұйғарып отыр. Мұнымен бірге, Париж келісімдері Батыс Германияның территориясын АҚШ, сондай-ақ Англия мен Франция әскерлерінің окупациялауын 1998 жылға дейін созуды оған тапшы отыр, сөйтін, Батыс Германияны АҚШ-тың Европадағы агрессиялық мақсаттарына қызмет ететін негізгі соғыс тірегіне айналдыруды көздеп отыр. Міне мұндай жағдайда, әсіресе Париж келісімдері кіріпкерлік бонн договорының негізгі ережелерінің бәрін күшінде қалдырып отырғанын ескертетін болсақ, Батыс Германияның «суверенитеті» дейтін жайындағы мәлімдемелердің құны қанша екенін түсіну қиын емес.

Париж келісімдерін, батыс елдердің кейбір мемлекет қайраткерлерінің жасалып отырған мәлімдемелеріне қарамастан, герман проблемасын реттеуден іс жүзінде бастартқандық, бейбітшілік және демократиялық негіздерде Германияның бірлігін қалпына келтіруден үзек уақытқа дейін бастартқандық деп қана қарауға болады. Батыс Германияны ремилигарландыру және оны соғыс топтарына қатыстыру жоспарлары көзірлі уақытта Германияны ұлттық жағынан қайта қосу жолында тұрған негізгі кедергі болып табылады. Мұның мәнісі — осындай кедергілі жою Германияның бірлігі мен суверенитетін қалпына келтіру туралы және бұл үшін, герман халқының мүдделерін ойдағыдай ескере отырып, жалпыгерманиялық еркін сайлау өткізу туралы төрт державаның келісімге жетуіне мүмкіндік тудырған болар еді деген сөз.

Батысгерманиялық жарты миллиондық армия құруға және оны қаруластыруға бонн саясатшыларының есептері бойынша шамамен бір жүз миллиард марка қаржы керек, ал мұның бүкіл ауырталығы Батыс Германия еңбекшілерінің мойнына, ең алдымен жұмысын табының мойнына түсетін болады, мұның өзі олардың тұрмыс дәрежесін мейлінше төмендетпей қоймайды. Батыс Германияны ремилигарландыру тек батысгерманиялық ірі монополияларға ғана және олармен тығыз байланысты, жаңадан құрылып жатқан батысгерманиялық армия үшін қару-жарақ беруден көп пайда түсіреміз деп көзірдің өзінде-ақ дөмеленіп отырған АҚШ-тың, Англияның және Францияның ең ірі монополияларына ғана пайда келтіреді. Қару сатушы бұл саудагерлер соғыстан әлде неше рет көп пайда түсірген болатын, ал бұл соғыс Европаның халықтарын тек сансыз көп құрбандықтар мен зор мұқтаждыққа ұшыратқан болатын.

Дүниежүзілік екінші соғысқа дейін герман концерндері шетелдік, әсіресе,

